

A2<sup>r</sup>

WJe loblich/ und vorfichtigk/die kunft/ auch  
 zucht/ vñ vbunge/ Rei militaris. i.der Rytterlichen brauchung In kryegß  
 leufften vñ rewttrey (.welche vor andern kunftē/ aller groffen reychen/  
 Lande/ vñ Stette/ eyne gebereryn/ vnd ftiffteryen/ billich/ gehyffen wirt.) durch altē  
 te/ lobliche/ lanckherkomen/ vnnd gebrauchung vnfer elttern/ mit mercklichem fleyß/  
 vñ vfflehen/ erlernet/ bewert/ vñ erobert ift/ So fordert vernufft/ folich alt erber/ vñ  
 nutzlich herkomē fleyffigk zuuertzeychē (.fonderlich/ wo es zu merūge/ vñ nutz/ dē Rō  
 miſchen reych/ komen magk.) vnd dem furften des reychs/ zuſchreiben/ vnd vffenba  
 ren/ So dan du Allerdurchleuchtigfte/ großmechtigft/ furft/ vnd herre/ Maximilian  
 durch gotliche verfehung/ des Romiſchen reichs/ eyner geweldigter keyſer/ herre/ vnd  
 verweſer biſt/ So wil ich deyner großmechtigen Keyſerlichē Maieſtat/ vnthertanig  
 bmelte fyerbücher/ zu deutſch mit yren bolwercken/ geryften/ als katenn/ antreyben/  
 zichturnen/ Streytwagenn/ Schyßzeugen/ Wyntwagenn/ Fewrpfeylen/ Fußeyfenn/  
 Wafferzeugen/ Wyddern/ Steyckleytern/ Schepffeugen/ Oberwerffenden brucken/  
 Stormzeugen/ Kugeln/ Schlyngenn/ Valzeugenn/ Brechzeugenn/ Gragezeuge/ vnnd  
 andern gebeuuen zu der rytterſchafft yn kryegs leufften gehorig/ moſterlich mit yrenn  
 fyguren/ wie die zubauchē fynt/ zuſchicken/ Dan deyner Keyſerlichē Maieſtat kunft/  
 vnnd tugent/ magk allen deyner vntherthanen mercklichen nutz bryngen/ wie wol dein  
 großmechtigkeit In keyſerlichen vnd furftlichen tūgenden/ vnnd kryegkleufften der  
 Rytterſchafft/ vnd aller ander vorfichtigkeit/ mylde vnd groß begnad vnd die bewer  
 lich gevbet hat/ So wirt doch erfahrung vñ brauchunge differ kunft neben deyner key  
 ſerlichen Maieſtat allen hohen/ mittelē vnd nydern ftendeē nicht wenig nutz bringen/  
 Dan wie ſyher wagen redder/ zugleich/ nottorfftig vber eyn felt lauffen Also beſchreibē  
 vnß/ Julius/ Frontinus/ Helianus/ Modestus/ vnd Vegetius/ gantzbrauchlich/ vnnd  
 loblich auch eynheldig/ die kunft/ vnnd vbunge/ der rytterſchafft/ zulernen/ vnnd or  
 dentlich tzu verbringē Da durch wirt das romiſch reychgeftercket die feldt erbauwet/  
 vnd das landt beſchyrmet Dan die Lacedemonyer/ vnnd darnach die Rōmere/ haben  
 foliche kunft/ vnd tugent/ Jngroffen Eren gehalten/ vnnd da durch/ ym anfang/ ift  
 das romiſch reych/ mit tugent/ vnd gutten anſchlegen (.vonn geryngen vrſpryngen.)  
 yn groffe macht/ vnd vberkeit komen/ vñ durch follich rytterliche vbunge/ vñ fetten/  
 großlich vnd mercklich zugenomen/ Zuletzft alle diſſe welt/ beſtrytten/ auch vntherta  
 nig vnd gehorſam gemacht/ Myt was weyßheit/ vorteyl/ vñ hoher vernufft/ Scipio/  
 der Edeler Rōmer/ ſeyne anſchlege gemacht/ vnd die mechtige ftadt Cartago/ erwō  
 nen/ vnd erobert hat/ wie manlich/ vnd rytterlich/ er den nachkomen/ vnd die mit den  
 werckē/ volentreckt/ vñ volnendet hat/ ift vffinbar/ Darmb kegenwirtig wergk/ eym  
 yederm/ d<sup>9</sup> ſich yn rytterlichen/ aderweltlichē fachen/ brauchē/ vñ vben/ moß/ vnfall/  
 Wolzu nutz reichē wirdet Dar vß nympt der alte weyßheit/ vnd der Junge manheit/  
 vñ gefchicklichkeit dar vß erlanget iglicher rettirer/ ſeynes landes/ vñ volckes/ gelucke/  
 vñ fygk vñ fycherūge ſeynes lebēs/ Aber yer vnwyffen/ bekuñert/ verterbt vnzuftort/  
 landt/ vnd lewtte/ Derhalb ift ſie vor eyne fonderliche tzuflucht zulieben vñ zuhalten.